

CiUG

COMISIÓN INTERUNIVERSITARIA DE GALICIA

USC
UNIVERSIDADE
DE SANTIAGO
DE COMPOSTELA



A C C E S O
UNIVERSIDADE
MAIORES DE

45

A N O S

2018

ALUMNADO QUE PODE PRESENTARSE Á PROBA

As persoas maiores de 45 anos de idade que non posúan ningunha titulación académica que as habilite para accederen á universidade por outras vías poderán acceder ás ensinanzas universitarias oficiais de Grao mediante a superación dunha proba de acceso adaptada, se cumpren ou cumpriron os 45 anos no ano natural no que se celebre a proba (Art. 16.1 do RD 412/2014, de 6 de xuño – BOE nº 138, de 7 de xuño).

ESTRUTURA DA PROBA

A Proba terá como obxectivo apreciar a madurez e idoneidade dos candidatos/as para seguiren con éxito estudos universitarios, así como a súa capacidade de razoamento e de expresión escrita.

Comprenderá tres exercicios:

- 1º *Exercicio* **Comentario dun texto** ou **desenvolvemento** dun **Tema Xeral de Actualidade**.
- 2º *Exercicio* **Lingua Castelá**.
- 3º *Exercicio* **Lingua Galega**.

Os candidatos/as que superen a proba deberán realizar unha **entrevista persoal**. Do resultado da entrevista deberá elevarse unha resolución de apto como condición necesaria para a posterior resolución favorable de admisión do/a interesado/a.

Ademais, o alumnado deberá presentar, xunto á solicitude de matrícula, un **currículum vitae** para seren empregado na entrevista persoal.

Para a realización dos exercicios, os candidatos/as poderán empregar, a súa elección, calquera das linguas oficiais da Comunidade Autónoma. Os exercicios correspondentes a Lingua Castelá e Lingua Galega deberán desenvolverse nos seus respectivos idiomas.

CONVOCATORIA DA PROBA: 3 Marzo

Consonte ao establecido no Art. 18.1 do RD 412/2014, de 6 de xuño (BOE nº 138, de 7 de xuño), o Sistema Universitario de Galicia realizará anualmente unha convocatoria de Proba de Acceso para Maiores de 45 anos de idade que non posúan titulación académica que as habilite para accederen á Universidade por outras vías.

A **Proba** realizarase o **sábado 3 de marzo** na **Facultade de Dereito** da Universidade de Santiago de Compostela (Campus Universitario Sur), de acordo co seguinte horario:

SÁBADO 3 DE MARZO DE 2018	
MAÑÁN	
8:30 h.	• Presentación do alumnado
9:00 – 10:30 h.	• Comentario dun texto ou desenvolvemento dun Tema Xeral de Actualidade
10:30 – 11:00 h.	Descanso
11:00 – 12:30 h.	• Lingua Castelá
12:30 – 13:00 h.	Descanso
13:00 – 14:30 h.	• Lingua Galega

Os candidatos/as deberán presentarse á proba provistos/as do **Documento Nacional de Identidade ou Pasaporte**, debéndose identificar documentalmente a requirimento de calquera membro do Tribunal.

LUGAR DE REALIZACIÓN DA PROBA

En cada convocatoria, os candidatos/as **poderán realizar a proba de acceso** para maiores de 45 anos **nas universidades da súa elección**, sempre que existan nestas os estudos que desexen cursar. **A superación da proba de acceso permitiralles ser admitidos unicamente ás universidade nas que superasen a proba** (Ar. 18.2 do RD 412/2014, de 6 de xuño - BOE nº 138, de 7 de xuño).

No **caso de Galicia**, a proba organizarase pola Comisión Interuniversitaria de Galicia e terá lugar na **Facultade de Dereito da Universidade de Santiago**.

ALUMNADO CON ALGÚN TIPO DE DISCAPACIDADE

Para aqueles candidatos/as que, no momento da matrícula, xustifiquen debidamente algún tipo de discapacidade que lles impida realizar a proba cos medios ordinarios, a CiUG determinará as medidas oportunas que garantan que os estudantes poidan realizar proba nas debidas condicións de igualdade.

Estas medidas poderán consistir na adaptación dos tempos, elaboración de modelos especiais de exame e a posta a disposición do estudante dos medios materiais e humanos, das asistencia e apoios e das axudas técnicas que precise para a realización da proba de acceso.

PRAZO E LUGARES DE MATRÍCULA: 22 xaneiro a 9 febreiro

O **prazo de matrícula** será o comprendido entre o **22 de xaneiro e as 14:00 horas do 9 de febreiro**, ambos inclusive, debéndose presentar nos LERD (Lugares de Entrega e Recollida de Documentación) as instancias de matrícula unha vez baixadas da web <http://ciug.gal/PDF/impresomat45.pdf> debidamente cubertas e os demais documentos esixidos na convocatoria.

Ao facer a matrícula, o alumnado recibirá un **“Resgardo de matrícula”** que deberá conservar. Posteriormente recibirán no seu correo electrónico un **código de acceso** a aplicación informática NERTA para poder consultar as cualificacións na dita aplicación informática, facer a través de Internet a solicitude de reclamación ás cualificacións das probas, así como a solicitude de admisión (preinscrición) para cursar titulacións universitarias do SUG con límite de prazos.

CONSULTA LISTAXES DE MATRICULADOS: 23 – 24 febreiro

Os **días 23 e 24 de febreiro** poderase consultar a **listaxe de matriculados** nas probas a través da aplicación informática NERTA dende a pantalla de matrícula mediante o botón **“Ver listaxe de matrícula PAU”**.

EXENCIÓN DO EXAME DE LINGUA GALEGA

Os candidatos/as que acrediten feacemente residencia fóra de Galicia por un período ininterrompido superior aos catro últimos anos, poderán solicitar, no momento de se matricularen, a exención do exercicio de Lingua Galega.

A Comisión Interuniversitaria de Galicia (CiUG) comunicará aos candidatos/as, por correo postal con aviso de recibo, a concesión ou non da exención do exercicio de Lingua Galega.

CÁLCULO DA CUALIFICACIÓN DA PROBA

A **cualificación da Proba de Acceso e de cada un dos exercicios** expresarase **de 0 a 10 puntos con intervalos de 0,25 puntos**.

A **cualificación final da Proba** será a **media aritmética das cualificacións obtidas nos exercicios**, cualificada de 0 a 10 puntos e expresada con tres cifras decimais arredondada á milésima máis próxima e en caso de equidistancia á superior.

Entenderase que o/a candidato/a superará a proba de acceso cando obteña unha cualificación de apto na entrevista persoal, e un **mínimo de cinco puntos na cualificación final**, non podéndose, en ningún caso, acadar media cando non se obteña unha **puntuación mínima de catro puntos en cada exercicio** (Art. 19.2 do RD 412/2014, de 6 de xuño - BOE nº 138, de 7 de xuño).

PUBLICACIÓN CUALIFICACIONES PROVISIONAIS: 8 marzo

As **cualificacións provisionais da Proba** serán publicadas o **día 8 de marzo** (a partir das 15:00 horas).

As cualificacións poderán consultarse no taboleiro de anuncios da CiUG, nos LERD, na páxina web da CiUG e na aplicación informática NERTA.

PRAZO DE RECLAMACIÓN ÁS CUALIFICACIONES: 12-14 marzo

O **prazo de presentación de reclamacións** abrangerá **dende o día 12 ata as 14:00 horas do día 14 de marzo**.

As solicitudes de reclamación ás cualificacións deberán realizarse preferentemente a través da aplicación informática NERTA ou presentarse nos LERD cubrindo o impreso de reclamación que se facilitará a tal efecto.

PUBLICACIÓN DAS CUALIFICACIONES DEFINITIVAS: 15 marzo

As **cualificacións definitivas da Proba** serán publicadas o **día 15 de marzo** (a partir das 15:00 horas).

As cualificacións poderán consultarse no taboleiro de anuncios da CiUG, nos LERD, na páxina web da CiUG e na aplicación informática NERTA.

REVISIÓN DOS EXAMES

O alumnado que presentase reclamación ás cualificacións da proba terá dereito a ver as probas revisadas unha vez finalizado na súa totalidade o proceso de revisión, no prazo de 10 días desde a notificación da resolución de revisión. As solicitudes, mediante escrito dirixido ao presidente do tribunal cualificador, presentaranse nos LERDs.

A data, hora e lugar para poder ver os exames, establecida pola presidencia do tribunal cualificador, será publicada na web da CiUG.

REALIZACIÓN DA ENTREVISTA PERSOAL

Xunto coa publicación da Acta de cualificacións definitivas da Proba, **a CiUG fará público na súa páxina web, a data de realización da entrevista persoal e a hora** en que se convocará a cada un dos candidatos que superasen a proba.

A **realización da entrevista** terá lugar na **sede da CiUG**, situada no 3º andar da **Facultade de Dereito da Universidade de Santiago**.

EFFECTOS DE SUPERACIÓN DA PROBA

En cada convocatoria, os candidatos/as **poderán realizar a proba de acceso** para maiores de 45 anos **nas universidades da súa elección**, sempre que existan nestas os estudos que desexen cursar. **A superación da proba de acceso permitiralles ser admitidos unicamente ás universidades nas que superasen a proba** (Ar. 18.2 do RD 412/2014, de 6 de xuño - BOE nº 138, de 7 de xuño).

Para o **acceso a Estudos Universitarios de Grao do SUG con límite de prazas**, o alumnado que supere a proba de acceso deberá **presentar a súa solicitude de admisión no prazo do 19 ao 29 de xuño**, en calquera dos LERD existentes. Para presentaren a solicitude de admisión cómpre estaren en posesión da **certificación académica oficial de teren superadas as probas**, que será expedida na CiUG e remitida por correo certificado con aviso de recibo ao domicilio dos alumnos/as a partir do 31 de marzo.

En virtude do disposto no Ar. 25 do RD 412/2014, de 6 de xuño - BOE nº 138, de 7 de xuño), para os/as estudantes maiores de 45 anos que superen a Proba de Acceso, reservarase nos estudos universitarios de Grao do SUG o **2 por 100 das prazas totais de cada titulación**.

REPETICIÓN DA PROBA PARA MELLORAR A NOTA

Unha vez superada a proba de acceso, os candidatos/as **poderán presentarse de novo en sucesivas convocatorias da mesma, coa finalidade de mellorar a súa cualificación**. Terase en conta a cualificación obtida na nova convocatoria sempre que esta sexa superior á anterior.

INFORMACIÓN

Pódese solicitar calquera información sobre esta proba aos LERD (Lugares de Entrega e Recollida de Documentación), aos Servizos de Información das tres universidades e á CiUG (Facultade de Dereito, 3º piso. Campus Universitario Sur. CP 15782 – Santiago de Compostela). Tfno. 881 81 34 52 - Fax: 881 81 47 89

Os programas das materias, orientacións e modelos de exame pódense consultar na páxina web da CiUG: <http://ciug.gal/>

